

05 無聲的鼓勵

合唱團，真正是俗語講的：「戲棚跤徛久就是你的。」

薛玉麗

聽阿母講，我挂學會曉講話，就足愛唱歌。小學三年的時候，學校的合唱團咧選團員。我知影了後，隨共老師報名。轉到厝，袂輸考著第一名咧，誠歡喜就共阿母講這個消息。阿母看我講甲喙角全波，笑笑講：「干焦報名爾，你就歡喜甲按呢，真正有影愛唱歌。」

一禮拜後公佈名單，我足失望嘛足艱苦，老師安慰我講：「明年猶闊有機會，老師才閤共你報名。」就按呢上音樂課的時，我攏會斟酌聽，向望有入選的條件。到四年仔，全款無法度入去合唱團，我是有氣無地故，干焦會當吼，逐工攏足鬱卒。若到散學，我會坐佇阮兜邊仔的社區公園，心內想講：「我哪會遮預頰，唱歌敢有遐困難，我毋相信練袂會。」我就仔公園一擺閤一擺、一直練一直練，等到我忝矣，才看著坐佇邊仔彼个老阿伯，伊敢若聽甲誠歡喜閤共我比「讚」，我是歹勢甲走若飛咧！逐工學校若放學，我就會來這個公園，共音樂老師教的一直餚。邊仔彼个阿伯，逐擺攏會頃頭，對我笑咧笑咧，全款共我比「讚」，有時閤會拍嘆仔呢！有彼个阿伯的鼓勵，我更加有勇氣，繼續練落去。俗語講：「有心拍石石成穿，有心開山山成園。」這馬我已經五年仔，嘛達成願望入去

有一工雄雄想著公園的老阿伯，我就去揣伊，欲共報告這個好消息，毋過幾若工攏揣無。我無放棄，照常全款彼个時間去公園等。有一工我仔遠遠的所在，看著一个足熟似的形影。我三步做兩步走過去，真正是彼个阿伯，我共伊講：「我已經入去合唱團矣，誠多謝你的鼓勵。」伊頭頌咧頌咧，笑甲誠歡喜，全款共我比「讚」。這個時陣，拄好公園管理員阿叔行過來，看個比手畫刀，我是看甲霧嘎嘎，毋知個咧講啥。落尾才知影，這個阿伯是聽有，毋過袂講話。「Hänn！阿伯是亞口喔！」我感動甲流目屎，共阿伯講：「你無聲的鼓勵，我會永遠記佇心肝底。」

06 阿母的土樣仔欖

謝金燕
阿媽個兜的後壁溝，有一欖真大欖的土樣仔。阿公講彼是阿母細漢的時，樣仔子清彩柳，伊就家己生枝發葉，有影是一枝草一點露，天公伯仔有照顧。一冬過一冬，樣仔欖母但抽懸、大欖，伊闔真有志氣，會開花結子。若著時，樣仔就會食袂離。我誠愛食土樣仔，就是因為這樣阿母的土樣仔欖。

阿爸知影我愛食酸微仔酸微的樣仔青，佇樣仔細細粒仔猶未夠分的時陣，就會挽一寡落來做樣仔青。阿爸講家己做的樣仔青，毋但衛生可靠，而且無摻色素腸無糖丹，會當放心享受酸仔青裡、甜仔心內的好滋味。遂擺阿爸招阮來做樣仔的時，我擺是三跋走兩跋跳共阿爸綴牢牢。看阿爸挽樣仔、削皮、切片，閤摻鹽落去予伊出水，繼落去共鹽水捏掉，摻糖了後冰入去冷凍庫，遮的過程我攏綴前綴後，那看那拈嘛會那食。阿母看我若樹奶糖黏仔阿爸的尻川後，驚我「生雞卵無、放雞屎有」，不時仔阮的邊仔清楚：「怎阿爸提刀仔削皮的時，你就愛閃較邊仔咧，愛細膩。」阿爸做的樣仔青冰冰涼涼，酸甘甜仔酸甘甜，一粒一的好滋味，食仔喙裡有影是透心涼，予人食甲心花開。在欖黃的土樣仔滋味嘛輸予樣仔青，全款會予我食

甲歡頭喜面、喙笑目笑，一粒紐一粒。毋過阿母驚我會過敏，驚我一下無挂好，皮膚就會癢袂煞、抓袂停，叫我著愛小可仔控制一下，毋通食遐濟。土樣仔若黃矣，落落來塗跋，阿爸會恚我斟酌巡，沓沓仔揀、沓沓仔括。一粒一粒共洗予清氣，阮就同齊坐跔玲瓈，準備欲共土樣仔拆食落腹。土樣仔皮若芳芳的氣味真正足迷人，甜物物的滋味，一喙紐一喙，有夠好食的！因為土樣仔全全絲，樣仔提咧一喙一喙軟汁的時，哇！誠享受呢！

阿媽個兜的後壁溝彼欖阿母種的樣仔欖，有阿公對阿母上深的疼痛，有阿母上婧的記持。厚工閣費氣的樣仔青是阿爸對我的愛，甜闔芳的土樣仔是阮規家伙仔上幸福的滋味。